

## Ebe onodode ni Ijoni O keke

### *Ungmemhi ni o mhọli agbo*

<sup>1</sup> Anye keke ungmehi oyi oni o ri agbo o na ogbo ghi e, oni o rote igbaekele la o. Anye she suo oli, anye ri alo eyi anye me oli, anye bino oli, anye gbo ri abo eyi anye ti oli.\* <sup>2</sup> Abi oni o ri agbo o na ogbo ona o ro feli lasele, anye me oli, anye gbo li pfi otsela shi oni agbo na agboagbo ona. Loli o nu Ita la, ni a rokhase anye.† <sup>3</sup> Emini anye me ni anye suo, anye gbo lie gueye e, ishegho ni awa kugbe nu Ita ali Omi oli iJesu iKirisiti la. <sup>4</sup> Eri anye keke ona ni oghela oyawa o gba pfo.

### *Okiali elemhi akpa*

<sup>5</sup> Onana khi usomhi ni anye rote obo oyi Omi oli suo, ni anye gue e ye e khi, Eshinegba khi akpa, obili okhoghuo o a fe la li egbe kpa. <sup>6</sup> Awa kha guele khi awa nu oli la kugbe ni awa ro kie la elemhi alo ebili e kia, egholi awa lo, awa aa la agbo igesikia. <sup>7</sup> Ama ini awa la elemhi akpa a kia, abi loli oli la elemhi akpa, ona o rokhase khi awa nu oli la kugbe, ishegho oia eyi iJesu Omi oli, e khuese awa olamhe-a pfuase. <sup>8</sup> Ini awa guele khi awa aa mholi olamhe, egbawa awa a di, awa aa mholi igesikia. <sup>9</sup> Ama ini awa zono olamhe eyawa ye Eshinegba ni o ri igesikia riela emhikpa; oni oo riela emini o te ode

\* **1:1** Li ze iJon 1.1 † **1:2** Li ze iJon 1.14

o khi, o ya ri olamhe eyawa topfa awa, o khuese awa umha-pfuase egbe-a nya. <sup>10</sup>Ini awa e khi awa aa lamhe, eri awa ri Eshinegba mele olo-egbholi-a. Ungmemhi oyoli o la agbo oyawa.

## 2

### *IKirisiti, okpaghiobo oyawa*

<sup>1</sup>Eniye eyemhe, ee mhi keke ebe ona ghi, ini a khi lamhe. Ama, ini a bhale ya e khi ogbokhoghwo o lamhe, awa mholi oni o nu Ita a ngme khe awa shi eke. Loli khi iJesu iKirisiti oni o pfuase. <sup>2</sup>Loli o khi iluasobo ni a ro shishi olamhe eyawa-a, o a khi eyawa tse ama olamhe eyi egbo kpa.

<sup>3</sup>Ini awa ri omhese eyoli e gbe akanya, loli awa ro ya lese gboo khi awa lese oli. <sup>4</sup>Eni lie khi wewe e lese oli ni ea ri omhese eyoli e gbe akanya, elo-egbhue e khi, ea mholi igesikia. <sup>5</sup>Ama onini o da ri ungmehi oyoli da gbe akanya ne, inono oyi Eshinegba o gba shi oli egbe. Ina awa li ya lese khi awa ali Eshinegba khi oghuo awa khi. <sup>6</sup>Eni e da lie khi wewe e kugbe Eshinegba o ne, e mema ya ke ngeli abi iJesu iKirisiti o lie ngeli.

### *Ushi onogbo*

<sup>7</sup>Emole mhe, o a khi omhese olese mhi keke e ghi e, ama onodio lo, ikhi oni a rote igbaekele ro na e. Oni omhese onodio ona o khi oni usomhi ni a she kpe suo.\* <sup>8</sup>Aboriekhi igho, omhese onogbo mhi keke e ghi e, irari khi a me igesikia oyi oni omhese ona iJesu egbe, a gbo me oli agbo oye. Itobo khi obili o she e kalaa, oni akpa oyi igesikia o she e ge. <sup>9</sup>Onini o da lie khi loli la elemhi akpa ni o o

\* **2:7** Li ze iJon 13.34

biselemhi inyoghuo Ḷli ne, elemhi alo obili Ḷ kie la. <sup>10</sup> Ḷnini Ḷ da nono ingme oyi inyoghuo Ḷli ne, elemhi ákpá Ḷ la, emhikhoghuo Ḷa la li egbe ni o roḶi ya khi owe. <sup>11</sup> Ama Ḷnini Ḷ da biselemhi inyoghuo Ḷli ne, alo obili Ḷ la, alo obili Ḷ la kia gasḶ. Ḷa ḶḶḶ obini ḶḶ je, irari khi obili o she zuse Ḷli alo.

<sup>12</sup> Mhi keke ebe ona ghi Ḷ eniye,  
itobḶ khi a she ri olamhe topfa Ḷ  
itobḶ eva oyi iKirisiti.

<sup>13</sup> Mhi keke ebe ona ghi Ḷ, ḶḶ ita,  
itobḶ khi a she ḶḶḶ Ḷli,  
Ḷni Ḷ roḶe igbaekele la Ḷ.

Mhi keke ebe ona ghi Ḷ ozele,  
itobḶ khi a she mu  
Ḷni Ḷ khi ḶgbḶ-Ḷbe Ḷ le.

Mhi keke ebe ghi Ḷ eniye,  
itobḶ khi a she ḶḶḶ Ḷni Ita.

<sup>14</sup> Mhi keke ebe ghi Ḷ, ḶḶ ita,  
itobḶ khi a she ḶḶḶ Ḷli,  
Ḷni Ḷ roḶe igbaekele la Ḷ.

Mhi keke ebe ona ghi Ḷ ezele,  
itobḶ khi a mhḶli ekpabḶ,

ali khi ungmehi  
oyi Eshinegba o la  
elemhi oye Ḷ,

ali khi a she mu  
Ḷni Ḷ khi ḶgbḶ-Ḷbe Ḷ le.

### *AgbḶ ona o khi ghḶle Ḷ doḶḶ*

<sup>15</sup> AgbḶ ona o khi ghḶle Ḷ doḶḶ, wekhi emhikhoghuo ni e la Ḷ. Ini ogbḶkhoghuo Ḷ mhḶli ogghumhe na agbḶ, inono oyi Ita Ḷa la agbḶ oyḶli.

<sup>16</sup> Irari emhikpa ni e la elemhi agbḶ, ni e khi,

oghuemhe olamhe idiegbe, emini ukpeloe o vie shi, ali itipfuabo-nga shi emini o mholi ali ni o dobe e rieler. Okhoghuo ena nya ea rote obo oyi Ita bhale, ama agbo ona e te bhale. <sup>17</sup> Oni agbo ona ali emini e la o ni ee ghole egbo e she e dose, ama eni e rieler oghuemhe oyi Eshinegba e ya la o agboagbo.

### *Eni ee kholi iKirisiti*

<sup>18</sup> Eniye, ukpese agbo o she ti bhale! A she gueye e khi oni o kholi Omiepfuese o ya bhale, memena eni ee kholi Omiepfuese ebubu e she bhale agbo. Onana awa ro ya lese khi ukpese agbo o she ti bhale. <sup>19</sup> Eni egbo ena ea mema kie kpe khi eyawa, loli o ze khi e rote awa iteva vu. Ini e kie kpe khi eyawa lo, e kha migha. Ama eri uvumhi oyewe o rokhase khi ea ku ma awa o.

<sup>20</sup> Ama Omiepfuese, Oni o pfuase o she ze e, irarigho a she lese igesikia. <sup>21</sup> Oa khi itobo khi aa lese igesikia mhi ro keke ebe ona ghi e, ama itobo khi a lese igesikia, a gbo lese khi egbholi oa rote igesikia a lasele.

<sup>22</sup> Mena, oghuo o khi olo-egbhue? Oni oo khi iJesu oa khi oni Omiepfuese, loli o khi Obe vule shi Omiepfuese o, loli o kie Ita ali Omọ. <sup>23</sup> Aa me ogbokhoghuo ni o kie Omọ ni o mholi Ita. Oni o da mie-obo shi Omọ o, o li mholi Ita.

<sup>24</sup> Zobe ni emini u rote eke suo o kie le egbe. Ini o ligho kie le egbe, u ya li kie nu oni Omọ ali Ita la kugbe. <sup>25</sup> Emini o shobo na wa na, ikhi agbo na agboagbo.

<sup>26</sup> Ingme eyi egbo eni e nono ni wewe e yese e da ode mhi keke e ghi e. <sup>27</sup> Ama ee oye e, ekpabo Ayemhe no pfuase ni a mie, o kie la e egbe,

irarigho, aa ke khi eni a sese. Ama eri Ayemhe oyoli o o sese e emhikpa, ikhi emini e khi igesikia ni ea khi egholi. A ri ose se oyi Ayemhe ke gbe akanya, a kie nu oli la kugbe.

### *Imi Eshinegba*

<sup>28</sup> Mena, eniye, a kie kugbe oli o. Ishegho ini o feli lasele, awa mholi igbedu ni omama o a mu awa odalo oyoli, ini o nyene gbe bhale.

<sup>29</sup> Ini u lese khi iKirisiti khi oni o migha shi ipfuase o khi, lese khi oni o ri ele emini e te ode Omi Eshinegba o khi.

## 3

<sup>1</sup> A bino abi inono ni Ita awa o nono awa o li fu ramhi, ni a ro bhale ya e khi aa lu awa imi Eshinegba! Ni o khia khi igho awa khi! Emini o ze khi egbo na agbo ea lese awa khi, ea lese Eshinegba.\*

<sup>2</sup> Emole mhe, imi Eshinegba awa khi, ama, awa aa lese ne, abi awa ya li, ama awa lese khi ini iKirisiti o lasele, awa ya li abi loli, irari khi awa ya me oli abi o li tee. <sup>3</sup> Ogbokpa ni o da mholi irudushi ona ne, o o mholi oni oghuemhe ni o ro khi oni o pfuase abi iKirisiti o li pfuase.

<sup>4</sup> Onini o da lamhe ne, eri o gbe ushi oyi Eshinegba-a, irari khi olamhe, igbushi oyi Eshinegba-a o khi. <sup>5</sup> Ama u lese khi eri iKirisiti o bhale ni o ya rue olamhe eyawa vu, ali khi olamhe o la li egbe.† <sup>6</sup> Irarigho, ogbokpa ni o nu oli la kugbe, o ya lamhe ke le. Onini o kie da la olamhe ne, o a fe me oli ghue wekhi eri o lese oli.

\* **3:1** Li ze iJon 1.12    † **3:5** Li ze iJon 1.29

<sup>7</sup> Eniye, a khi ze ni ogbokhoghuo o di e ya de ode-a. Oni o da rieḷe emini o te ode ne, o pfuase, ezeze abi iKirisiti o li pfuase. <sup>8</sup> Onini o da rieḷe emhi olamhe ne, oyi Okphaghie o khi. Irari khi te-eke vu, okphaghie o te e lamhe. Emini o ze ni Omi Eshinegba o ro feli bhale khi, ni o ro me asha pfueche ikanya eyi okphaghie-a. <sup>9</sup> Ogbokpa ni o da khi Omi Eshinegba o ya lamhe, irari khi ukpamhi oyi Eshinegba o la li egbe, ea ya lamhe irari khi Eshinegba o khi Ita we. <sup>10</sup> Onana o ri ikhioda shi iteva imi Eshinegba ali imi Okphaghie. Enieni ea da rieḷe emini o te ode ne ali ni ea mholi inono na egboese ne, ea khi imi Eshinegba.

### *A nono ingme oyi egbe e*

<sup>11</sup> Onana o khi usomhi ni a rote eke suo. Ikhi, awa nono ingme oyi egbe awa. ‡ <sup>12</sup> Khi li abi iKeni ni o khi oyi Ona Okholo, ni o gbe Ebeli inyoghuo oli-a. Elo o ze ni iKeni o ro gbe oli-a? Irari khi emini oni iKeni oo rieḷe, ea gbe akanya, ama emini inyoghuo oli oo rieḷe e khi eni e pfuase. § <sup>13</sup> Irarigho, o khi sha e abo, inyoghuo-mhe eni emose ali eni ikpotso, ini egbo na agbo ea ti elemhi e. <sup>14</sup> Awa lese khi awa she te eghuli lasele je agbo, itobo khi awa nono ingme oyi inyoghuo awa. Onini oa da mholi inono ne, elemhi eghuli o kie la. \* <sup>15</sup> Onini o da biselemhi inyoghuo oli ne, ogbo-ugbeli o khi. U lese khi ogbo-ugbeli oa mholi agbo oyi Eshinegba shi agbo oyoli.

<sup>16</sup> Ina awa lie lese emini inono o khi. Eri iJesu iKirisiti o ri agbo oyoli bhale, ni e pfuse-a, shi itobo oyawa. Awa kha li rue agbo oyawa li shi eke na

---

‡ 3:11 Li ze iJon 13.34    § 3:12 Li ze Igbae 4.8    \* 3:14 Li ze iJon 5.24

inyoḡhuo awa. <sup>17</sup> Ini oḡbo ọ mḡli eḡfue, ni ọ rọ me khi inyoḡhuo ọli ọ mḡli emini o to ọli, ni ọa rọ mḡli ilelemhi na li, seḡ ọ li doḡe ya lie khi loḷi mḡli inono oyi Eshineḡba? <sup>18</sup> Eniye, a khi ze ni awa ri unḡmemhi ali eḡemhi ke rieḡe inono, ama awa ri irieḡe ali iḡesikia ke ri inono khase. <sup>19</sup> Ini awa nono ingme oyi eḡboḡese, awa leḡe khi iḡesikia awa la kia, awa mḡli udu opfoḡmḡe odalo oyi Eshineḡba. <sup>20</sup> Abi eni e miesuo, ini udu oyawa o pfa ezo mu awa, awa leḡe khi Eshineḡba ọ fu doḡe udu oyawa, ali khi ọ leḡe emhikpa. <sup>21</sup> Irarigho, emole mḡe, ini udu oyawa ọa da pfa ezo mu awa ne, loḷi awa roḡ mḡli igbedu odalo oyi Eshineḡba. <sup>22</sup> Emiemini awa da mhila kpa, awa te obo oyoli ya mie ọli, itobo khi awa ri ishi eyoli e gbe akanya ali khi awa a rieḡe emini e ḡhole ọli. <sup>23</sup> Emini ọ mḡese na awa khi, awa mie Omi ọli iḶesu iKirisiti suo, ali awa nono ingme oyi egbe, ezeze abi iKirisiti ọ li mḡese na awa.† <sup>24</sup> Eni e ri omḡese oyi Eshineḡba a gbe akanya, eri wewe ali Eshineḡba e ga kugbe, Eshineḡba ọ li kugbe we ọ. Itobo Ayemḡe ni Eshineḡba ọ ro na awa, awa ro leḡe khi awa kugbe Eshineḡba ọ.

## 4

### *Ke mu Iyemḡe fe bino*

<sup>1</sup> Emole mḡe, a khi mie shi iyemḡe nya ọ, ama mu we fe bino ni a me ini obo oyi Eshineḡba e te bhale. Irari khi emekeḡuele eyi eḡbholi ebubu e she fie lasele shi aḡbo ona. <sup>2</sup> Ina a li ya leḡe ini Ayemḡe oyi Eshineḡba lo: Ayemḡe nya ni o da lama khi iḶesu iKirisiti ọ she bhale abi oḡbo ne,

† 3:23 Li ze iḵṇ 13.34; 15.12,17

oyi Ɛshinegba lo. <sup>3</sup> Ama ayemhe nya ni o da mie-obo shi iJesu o ne, o rote obo oyi Ɛshinegba bhale. Onana o khi ayemhe oyi oni o kholi Omiepfuese, ni a suo khi o bhale, o she ga la elemhi agbo memena. <sup>4</sup> Ama enayi Ɛshinegba a khi, imi mhe, a she gbo mu emekeguele eyi egbholi o le, irari khi Ayemhe ni o la e egbe o fu dose oyi oni o la elemhi agbo. <sup>5</sup> Elemhi agbo eni emekeguele eyi egbholi egho e rote lasele, ingmemhi agbo ee ngme, irarigho egbo agbo e ro mie shi emini ee ngme. <sup>6</sup> Ama enayi Ɛshinegba awa khi. Onini o da lese Ɛshinegba, loli o ri esu o shi emini anye e ngme. Oni o da khi oyi Ɛshinegba ne, o ya ri esu shi emini anye e ngme. Ina awa lie lese ikhioda ni o la Ayemhe igesikia ali ayemhe egbholi.

### *Ɛshinegba inono o khi*

<sup>7</sup> Emole mhe, a ze ni awa nono ingme egbe, irari khi obo oyi Ɛshinegba inono o te bhale. Oni o da mholi inono, Ɛshinegba o khi itali ali khi o lese Ɛshinegba. <sup>8</sup> Ogbu ni o da mholi inono ne, o da lese Ɛshinegba, irari khi Ɛshinegba khi inono. <sup>9</sup> Eri Ɛshinegba o ri Omi oli otuoghwo kpe ni o ghie bhale agbo ro ri inono ni o mholi na awa khase, ini awa a rote obo oyoli mholi agbo. <sup>10</sup> Onana o khi egbegbi inono, o khia khi eri awa nono ingme oyi Ɛshinegba, ama eri o nono ingme oyawa, loli o ze ni o ro ghie Omi oli bhale ni o ro luase obo ro shishi olamhe eyawa. <sup>11</sup> Emole mhe, ini o khia khi ina Ɛshinegba o li nono awa, awa li nono ingme egbe awa. <sup>12</sup> Ogbokhoghwo o me Ɛshinegba ghue, ama ini awa nono ingme egbe awa, Ɛshinegba o la agbo



oyawa, ali khi, inono oyoli oḡ gbe akanya ni o nono ni loli gbe agbo oyawa.\*

<sup>13</sup> Awa ga leṣe khi Eshinegba o la agbo oyawa, irari khi o she ri Ayemhe oyoli na awa. <sup>14</sup> Ali khi awa me, awa gbo pfi oṣeṣe khi Ita o ghie Omi oli ni o ro khi Omiepfuese oyi agbo. <sup>15</sup> Ini oḡbokhoghwo o mie shi o khi Omi Eshinegba iJesu o khi, Eshinegba o la agbo oyoli, loli o li la elemhi Eshinegba <sup>16</sup> Ishegho, awa leṣe, awa gbo mie shi inono ni Eshinegba o mholi na awa.

Inono Eshinegba o khi, eni e la agbo inono e nu Eshinegba la kugbe, Eshinegba o li nu we la kugbe. <sup>17</sup> Ina inono oyoli o lie gbe akanya ni o nono ni loli gbe agbo oyawa, ni awa ro mholi igbedu ogbele iguezo, irari khi eri awa li abi loli ekagbo ona. <sup>18</sup> Ulishi o la inono. Ama eri inono ni o gba pfo, oḡ khu ulishi fie, irari khi eri eḡbo eḡ na ulishi Eshinegba itobo khi o ya na we osoli. Oni oḡ na ulishi o gba pfo elemhi inono.

<sup>19</sup> Eri awa mholi inono, itobo khi loli o kpe nono ingme oyawa. <sup>20</sup> Ini oḡbokhoghwo oḡ lie, “Mhi nono ingme oyi Eshinegba,” ama o kiele e biselemhi inyoghwo oli, oloegbhue o khi. Irari khi oḡbo ni o da nono ingme oyi inyoghwo oli ni oḡ me eloe, o da dobe ya nono ingme oyi Eshinegba ni o me eloe ghue. <sup>21</sup> Omheṣe ni iKirisiti o ro na awa na: Eni e nono ingme oyi Eshinegba nya, e mema li nono ingme oyi inyoghwo we.

## 5

### *Imuole ni awa mu agbo o le*

---

\* **4:12** Li ze iJon 1.18

<sup>1</sup> Ṷnini ọ da mie shi ọ ne khi iḶesu ọ khi ọni iḶirisiti Ṷmiepfuese, Ṷmi ḶshineḶgba ọ khi, Ṷnini ọ da nono ingme oyi Ita ne, ọ li nono ingme oyi omi ọli. <sup>2</sup> Abi awa liẹ leṣe khi awa nono ingme oyi imi ḶshineḶgba khi, ini awa nono ingme oyi ḶshineḶgba, ni awa gbo rọ ri omḶṣe oyọli gbe akanya. <sup>3</sup> Ini awa nono ingme oyi ḶshineḶgba egbegbo, awa mema ya ri omḶṣe oyọli gbe akanya. Ama omḶṣe eyọli ẹa ya mu unu iroḶbe-akanya.\* <sup>4</sup> Itobọ khi oḶbọkpa ni ḶshineḶgba ọ bia, lọli ọ doḶe ya mu agbọ ọ le, irudunga oyawa o khi oni imuḶle. <sup>5</sup> OḶhuo ọ doḶe mu agbọ ọḶ le? Ṣe ni oḶbọ ni ọ miesuḶ khi, iḶesu khi Ṷmi ḶshineḶgba.

<sup>6</sup> Ṷna khi iḶesu iḶirisiti ni ọ bhale, rọte iri-ameḶbatazi, ali rọte ọlia ikushieḶe abi ọ rọ ghua. Ọa khi rọte amẹ tṣe, ama li shi ọlia ni ọ ku shi eḶe abi ọ rọ ghua. AyemḶe ọ pfi ọtṣeḶe shi ọ, irari khi ọni AyemḶe ọyi iḶṣikia lọ. <sup>7</sup> Irari khi ọtṣeḶe eṣe e la ọ. <sup>8</sup> AyemḶe, amẹ, ali ọlia. Eni ọtṣeḶe eṣe ena unu oḶhuo ee ngme. <sup>9</sup> ỌtṣeḶe ọyi agbọ awa mie ẹ suḶ, ama ọtṣeḶe ọyi ḶshineḶgba ọ toto ne. Ọ she pfi ọtṣeḶe shi ingme oyi Ṷmi ọli <sup>10</sup> Irarighọ, oḶbọkpa ni ọ mie Ṷmi ḶshineḶgba suḶ nya, ọ mhọli ọtṣeḶe onana shi udu oyọli. Ama ọni ọa mie ḶshineḶgba suḶ, eri ọ rọli shi ọlo-ẹgbhọli, itobọ khi ọa mie shi emini ḶshineḶgba ọ ngme shi ingme oyi Ṷmi ọli. <sup>11</sup> Oni ọtṣeḶe o khi ḶshineḶgba ọ she ri agbọ na agboagbọ na awa. Oni agbọ ona o la obọ oyi Ṷmi ọli.† <sup>12</sup> Irarighọ, ọni ọ da kugbe Ṷmi ḶshineḶgba ọ ne, lọli ọ mhọli oni agbọ oyi ḶshineḶgba ona. Ọni ọa da kugbe Ṷmi ḶshineḶgba ọ ne, ọa mhọli agbọ oyi ḶshineḶgba.

\* **5:3** Li zẹ iḵṇ 14.15 † **5:11** Li zẹ iḵṇ 3.36

<sup>13</sup> Mhi she keke emhikpa shi elemhi ebe ona ghi e, ni a mie iJesu Omi Eshinegba suo, ni a ro mholi oli shi udu khi a mholi agbo oyi Eshinegba. <sup>14</sup> Igbeudu ni awa a mholi ini awa la odalo oyi Eshinegba a so iromhi khi, awa lese khi eghenge kpa ni awa ro mhila li emhikhoghuo abi o ghole oli shi, eri oo suo awa o. <sup>15</sup> Irarigho, abi awa ro da lese khi oo suo awa ini awa da mhila emhi ne, awa lese khi awa she mholi emini awa mhila li.

<sup>16</sup> Ini ogbokhoghuo o me khi inyoghuo oli oo lamhe olamhe ni oa ri eghuli gbe ogbo, o lema na li, khi Eshinegba ya ri agbo nali. Eni olamhe oyewe e khi olamhe ni ea ri eghuli gbe ogbo mhia ngme. Olamhe o la o ni o ri eghuli e gbe ogbo. Oa khi olamhe eghoghohohi a lema shi. <sup>17</sup> Umhagueli kpa, olamhe o khi. Ama olamhe o la o ni oa ya ri eghuli gbe ogbo. <sup>18</sup> Awa lese khi oni Eshinegba o bia, oa ya lamhe olamhe, irari khi eri Omi Eshinegba o khukhu oli, ini Okphaghiye o khi dobe li oli onobe. <sup>19</sup> Awa lese khi imi Eshinegba awa khi, ali khi Okphaghiye o mhese e na egbo nya ni ea lese Eshinegba. <sup>20</sup> Awa gbo lese khi Omi Eshinegba o she bhale elemhi agbo, ali khi o she ri ilese ni awa ro lese oni egbegbi Eshinegba. Ali khi awa kugbe oni Eshinegba ni o khi igesikia o, igho awa gbo li kugbe iJesu iKirisiti ni o khi Omi oli o. Lolighuo kpe o khi egbegbi Eshinegba, ali oni agbo na agboagbo. <sup>21</sup> Eniye eyemhe, a mu egbe e. A khi mholi emini e ku e ali ilitsa gbe.

**Ebe-No-Pfuasę Ishobo Onogbo**  
**New Testament in Ivbie North-Okpela-Arhe**  
**(NI:atg:Ivbie North-Okpela-Arhe)**

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

**The New Testament**

in Ivbie North-Okpela-Arhe

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 21 Feb 2024 from source files  
dated 29 Jan 2022

03be06b0-68fd-500b-b9a9-6bca4b63979a